

駢體文鈔卷四

箴類

楊子雲十二州箴

子雲善做所做必肖能以氣含神以形取海源以形善精之尋之乃得做古之法

洋洋冀州鴻原大陸岳陽是都島夷皮服潺湲河流夾以碣石三后攸降列爲侯伯降周之末趙魏是宅冀土糜沸炫汙如湯更盛更衰載從載橫陪臣擅命天王是替趙魏相反秦拾其弊北築長城恢夏之場漢興定制改封藩王仰覽前世厥力孔多初安如山後崩如崖故治不忘亂安不遺危周宗自怙云焉有子瞻六國奮矯果絕其維救臣司冀敢告在階

冀州牧箴

悠悠濟河兗州之寓九河既導雷夏攸處草繇木條漆絲

絺紵濟潔旣通降邱宅土成湯五徙卒都于亳盤庚北渡
牧野是宅丁感雝雝祖已伊忠爰正厥事遂緒高宗厥後
陵遲顛覆湯緒西伯戡黎祖伊奔走致天威命不恐不震
婦言是用牝雞是晨三仁旣知武果戎殷牧野之禽豈復
能耽甲子之朝豈能復笑有國雖久必畏天咎有民雖長
必懼人殃箕子獻欵厥居爲墟牧臣司亮敢告執書

兗州牧箴

茫茫青州海岱是極鹽鐵之地鈔松怪石群木攸歸萊夷
作牧貢篚以時莫怠莫違昔在文武封呂於齊厥土塗泥
在邱之營五侯九伯是討是征馬殆其銜御失其度周室
荒亂小白以霸諸侯僉服復尊京師小白旣沒周卒陵遲
嗟茲天王附命下土失其法度喪其文武牧臣司青敢告
執鉅

青州牧箴

海岱伊淮東海是潛徐州之士邑子蕃宇大野旣瀦有羽
有蒙孤桐蠟珠泗沂攸同實列蕃蔽侯衛東方民好農蠶
大野以康帝癸及辛不祇不恪沈湎于酒而忘其東作天
命湯武勦絕其緒祇降周任姜鎮于瑯琊姜姓絕苗田氏
攸都事由細微不慮不圖禍如邱山本在萌芽牧臣司徐
敢告僕夫

徐州牧箴

矯矯揚州江漢之游彭蠡旣瀦陽鳥攸處橘柚羽貝瑤琨
篠簜閩越北垠沅湘攸往獷矣淮夷蠢蠢荆蠻翩彼昭王
南征不旋人咸躓於埵莫躓於山咸跌於污莫跌於川明
哲不云我昭童蒙不云我昏湯武聖而師伊呂桀紂悖而
誅逢干蓋邇不可不察遠不可不親靡有孝而逆父罔有

義而忘君太伯遜位基吳紹類夫差一誤太伯無祚周室
不匡勾踐入霸當周之隆越裳重譯春秋之末侯甸叛逆
元首不可不思股肱不可不孳堯崇屢省舜盛欽謀牧臣
司揚敢告執籌

揚州牧箴

幽幽巫山在荆之陽江漢朝宗其流湯湯夏君遭鴻荆衡
是調雲夢塗泥包匭菁茅金石砥礪象齒元龜貢篚百物
世世以饒戰戰慄慄至桀荒溢曰我在帝位若天有日不
順庶國孰敢余奪亦有成湯果秉其鉞放之南巢號之以
桀南巢茫茫包楚與荆風慄以悍氣鏡以剛有道後服無
道先強世雖安平無敢逸豫牧臣司荆敢告執御

荊州牧箴

郁郁荆河伊雒是經榮播泉溱惟用攸成田田相孳廬廬

相距夏殷不都成周攸處豫野所居爰在鶉墟四隩咸宅
寓內莫如陪臣執命不慮不圖王室陵遲喪其爪牙靡哲
靡聖捐失其正方伯不維韓卒擅命文武孔純至厲作昏
成康孔寧至幽作傾故有天下者母曰我大莫或余敗母
曰我強靡克余亡夏宅九州至於季世放于南巢成康太
平降及周微帶蔽屏營屏營不起施於孫子至赧爲極實
絕周祀牧臣司豫敢告柱史

豫州牧箴

巖巖岷山古曰梁州華陽西極黑水南流茫茫洪波鯨堙
降陸于時八都厥民不隩禹導江沱岷嶓啟乾遠近底貢
磬錯砮丹絲麻條暢有粳有稻自京徂畛民攸溫飽帝有
桀紂洹沈頗僻遏絕苗民滅夏殷績爰周受命復古之常
幽厲夷業破絕爲荒秦作無道三方潰叛義兵征暴遂國

于漢拓開疆宇恢梁之野列爲十二光羨虞夏牧臣司梁
是職是圖經營盛衰敢告士夫

益州牧箴

黑水西河橫截崑崙邪指閭闔畫爲雍垠上侵積石下礙
龍門自彼氐羌莫敢不來庭莫敢不來匡每在季主常失
厥緒侯紀不貢荒侵其寓陵遲衰微秦據以戾興兵山東
六國顛沛上帝不寧命漢作京隴山以徂列爲西荒南排
勁越北啟疆胡并連屬國一護攸都蓋安不忘危盛不諱
衰牧臣司雍敢告綴衣

雍州牧箴

蕩蕩平川惟冀之別北扼幽都戎夏交偪伊昔唐虞實爲
平陸周末荐臻迫于僮鬻晉溺其陪周使不阻六國擅權
燕趙本都東限穢貊羨及東胡疆秦北排蒙公城壇大漢

初定介狄之荒元戎屢征如風之騰義兵沙漠偃我邊萌
既定且康復古虞唐盛不可不圖衰不可或忘隄潰蟻穴
器漏箴芒牧臣司幽敢告侍傍

幽州牧箴

雍別朔方河水悠悠北辟獯鬻南界涇流畫茲朔土正直
幽方自昔何爲莫敢不來貢莫敢不來王周穆遐征犬戎
不享妥緇伊德侵玩上國宣王命將攘之涇北宗周罔職
日用爽蹉旣不相豆又不干戈犬戎作亂斃于驪阿太上
曜德其次曜兵德兵俱顛靡不悴荒牧臣司并敢告執綱

并州牧箴

交州荒裔水與天際越裳是南荒國之外爰是開闢不羈
不絆周公攝祚白雉是獻昭王陵遲周室是亂越裳絕貢
荆楚逆叛四國內侵蠶食周宗臻于季赧遂入滅亡大漢

受命中國兼該南海之宇聖武是恢稍稍受羈遂臻黃支
抗海三萬來牽其犀盛不可不憂隆不可不懼顧瞻陵遲
而忘其規摹亡國多逸豫而存國多難泉竭中虛池竭瀕
乾牧臣司交敢告執憲

交州牧箴

揚子雲百官箴

官箴不及州箴之瞻鍊而古澤自足

經兆宮室畫爲中外廊殿門闕限以禁界國有周衛民有
蕃籬各有攸保守以不岐昔在夏殷桀紂淫泆持牛之飲
門戶荒亂郎雖執戟謁者參差殿中成市或鼓或鞞忘其
廊廟而聚夫逋逃四方多罪載號載呶內不可不省外不
可不清德人立朝議士充庭祿臣司光敢告執經

光祿勳箴

茫茫上天崇高其居設置山險畫爲防禦重垠累坎以難
不律闕爲城衛以待暴卒國有以固民以有內各保其守
永脩不敗維昔庶僚官得其人荷戈而歌中外以堅齊桓
休惕宿衛不飭門非其人戶廢其職曹子標劍遂成其詐
軻挾七首而衛人不寤二世妄宿敗於望夷閭樂矯搜戟
者不誰尉臣司衛敢告執維

衛尉箴

肅肅太僕車馬是供鏘鏘和鸞駕彼時龍昔在上帝巡狩
四宅王用三驅前禽是射紂作不令武王征殷檀車孔夏
四驥孔斯僕夫執儻載駢載駟我輿云安我馬惟閑雖馳
雖驅匪逸匪愆昔有淫羿馳騁忘歸景公千駟而淫干齊
詩好牡馬牧於坰野輦車就牧而詩人興魯廐焚問人仲
尼原醜孟子蓋惡夫廐多肥馬而野有餓殍僕臣司駕敢

告執皂

太僕箴

天降五刑惟夏之績亂茲平民不回不辟昔在蚩尤爰作
淫刑延于苗民夏氏不寧穆王耄荒甫侯伊謀五刑訓天
周以阜基厥後陵遲上帝不飭周輕其制秦繁其辜五刑
紛紛靡遏靡止寇賊滿山刑者半道昔唐虞象刑天民是
全紂作炮烙墜民于淵故有國者無云何謂是別是剝無
云何害是剝是剖惟虐惟殺人莫予柰殷以刑顛秦以酷
敗獄臣司理敢告執謁

廷尉箴

蕩蕩唐虞經通垓極陶陶百王天工人力畫爲上下羅條
百職人有材能寮有級差遷能授官各有攸宜主以不廢
官以不隳昔在三代二季不蠲穢德慢道署非其人人失

其材職反其官案寮荒毫國政如漫文不可武武不可文大小上下不可奪倫鴻臣司爵敢告在鄰

大鴻臚箴

巍巍帝堯欽親九族經哲宗伯禮有攸訓屬有攸籍各有育子世以不錯昔在夏時太康不恭有仍二女五子家降晉獻悖統宋宣亂序齊桓不肖而忘其宗緒周譏戒女魯喜子同高作秦祟而扶蘇被凶宗廟荒墟魂靈靡附伯臣司宗敢告執主

宗正箴

時惟大農爰司金穀自京徂荒粒民是斛肇自厥初實施惟食厥僚后稷有無遷易實均實贏惟都作程旁求衣食厥民攸生上稽二帝下閱三王什一而征爲民作常遠近貢篚百姓不忘帝王之盛咸在農殖季周爛漫而東作不

勅膏腴不獲庶物並荒府藏單虛靡積靡倉陵遲衰微姬
卒以瘁秦收太半二世不瘳泣血之末海內無聊農民司
均敢告執紼

大司農箴

實實少府奉養是供紀經九品臣子牧同海內幣帑祁祁
如雲家有孝子官有忠臣共僚率舊聖則越遵民以不擾
國以不煩昔在帝季癸辛之世酒池糟隄而象箸以噬至
於耽樂流湏而姐妹作崇共僚不御不恢夏殷喪其國康
而卒以陵遲嗜不可不察欲不可不圖未嘗失之於約常
失之於奢府臣司其敢告執紼

少府箴

溫溫唐虞重襲純執經表九德張設武官以御寇賊如虎
有牙如鷹有爪國以自固獸以自保牙爪蔥蔥動作宜時

用之不理實反生災秦政暴戾播其威虐亡其仁義而思其殘酷猛不可重任威不可獨行堯咨虞舜惟思是尙吾臣司金敢告執璜

執金吾箴

侃侃將作經構宮室墻以禦風宇以蔽日寒暑攸除烏鼠攸去王有宮殿民有宅居昔在帝世茅茨土階夏卑宮觀在彼溝洫築作瑤臺紂爲琬室人力不堪而帝業不卒詩詠宣王由儉改奢觀豐上六大屋小家春秋譏刺書彼泉臺雨觀雉門而魯以不恢或作長府而閔子不仁秦作驪阿羸姓以顛故人君無云我貴棖題是遂毋云我富淫作極遊在彼墻屋而忘其國戮作臣司匠敢告執猷

將作大匠箴

幽幽山川徑塞九路盤石唐芒襲險重固國有城溝家有

拆拒各有攸堅民以不虞德懷其內險難其外王公設險而承以盤蓋昔在上世有殷有夏癸辛不德而設夫險阻湯武爰征而莫遏莫禦作君之危不可德少而城溝伊保不可德希而城溝是依唐虞長德而四海永懷秦恢長城而天下畔乖尉臣司城敢告侍階

城門校尉箴

茫茫大田芃芃作穀山有陁陸野有林麓夷原汗藪禽獸攸伏魚鼈以時芻蕘咸殖國以殷富民以家給昔在帝羿共田徑游弧矢是尚而射夫封豕不顧於愆卒遇後憂是以田獲三驅不可過差麀鹿攸伏不如德至衡臣司虞敢告執指

上林苑令箴

普彼坤靈侔天作則分制五服劃爲萬國乃立地官空惟

是職茫茫九州都鄙盈區綱以羣牧綴以方侯烈烈雋乂
翼翼王臣臣當其官官宜其人九一之政七賦以均昔在
季葉班祿遺賢培克充朝而象恭滔天匪人斯力匪政斯
勅流貨市寵而苞苴是嚮王路斯浮孰不傾覆空臣司土
敢告在側

司空箴

翼翼太常寔爲宗伯穆穆靈祇寢廟奕奕稱秩元祀班乎
群神我祀既祇我粢孔蠲匪愆匪忒公尸攸宜弗祈弗求
惟德之報不矯不誣庶無罪悔昔在成湯葛爲不弔棄禮
慢祖夔子不祀楚師是虜魯人躋僖臧文不悟文隳太室
桓納郤賂災降二宮用誥不禱故聖人在位無日我貴慢
行繁祭無日我材輕身恃巫東鄰之犧牛不如西鄰麥魚
秦殞望夷隱斃鍾巫常臣司宗敢告執書

太常箴

皇皇聖哲允勅百工命作齋慄龍爲納言是機是密出入
朕命王之喉舌獻善宣美而讒說是折我視云明我聽云
聰載夙載夜惟允惟恭故君子在室出言如風動於民人
渙其大號而萬國平信春秋譏漏言易稱不密則夫臣兌
吉其和巽吝其頰書稱其明申申厥鄰昔秦尚權詐官非
其人符璽竊發而扶蘇隕身一女姦愆命七廟爲墟威福同
門牀上維辜書臣司命敢告侍闕

尚書箴

洋洋三代典禮是脩畫爲辟雍國有學校侯有泮宮各有
攸教德用不陵昔在文王經啟其軌勛于德音而思皇多
士多士作楨惟周以寧國人與讓虞芮質成八公劉挹行潦
而濁亂斯清官操其業士執其經昔聖人之綏俗莫美於

施化故孔子觀夫大學而知爲王之易易大舜南面無爲而衽席平還師階級之間三苗以懷秦作無道斬決天紀漫彼王迹而坑夫術士詩書是泯家言是守俎豆不陳而顛其社稷故仲尼不對問陳而胡篋是遵原伯非學而閱子知周之不振儒臣司典敢告在賓

博士箴

崔亭伯官箴

雖不足繼武于雲而雅懿有餘

天官冢宰庶僚之率師錫有帝命虞作尉爰叶臺極安平國域制軍詰禁王旅惟式九州用綏群公咸治干戈載戢宿纏其紀上之云據下之云戴苟非其人戮我帝載昔周人思文公而召南詠甘棠昆吾隆夏伊摯盛商季世煩僻禮用不匡無曰我強莫余敢喪無曰我大輕戰好殺紂師

百萬卒以不艾宰臣司馬敢告在際

太尉箴

天監在下仁德是興乃立司徒亂茲黎烝茫茫庶域卒土
祁祁民具爾瞻四方是維乾乾夕惕靡怠靡違恪恭爾職
以勤王機敬敷五教九德咸事齊人用章黜眚是富無日
余恃忘余爾輔無日余聖以忽執政匪用其良乃荒厥命
庶績不怡疚于爾祿豐其折右而鼎覆其餽書歌股肱詩
刺南山尹氏不堪國度斯憊徒臣司衆敢告執藩

司徒箴

邈矣臯陶翊唐作士設爲犴狴九刑允理如石之平如鼎
之清三槐九棘以質以聽罪人斯殛凶旅斯并熙又帝載
旁施作明昔在仲尼哀矜聖人子罕禮刑衛人釋艱釋之
其忠勲亮孝文于公哀寡定國廣門實哉邈矣舊訓不遵

主慢臣驕虐用其民賞以崇欲刑以肆忿紂作炮烙周人滅殷夏用淫刑湯誓其軍衛鞅酷烈卒殞于秦不疑加害禍不反身嗟茲大理慎于爾官賞不可不思斷不可不度或有忠而被害或有孝而見殘吳沉伍胥殷割比干莫遂爾情是截是刑無遂爾心以速以殛天鑒在顏無細不錄福善災惡其働甚速理臣思律敢告執獄

大理箴

稽叔夜太師箴

此爲司馬氏言也若諷若惜詞多紆回

浩浩太素陽曜陰凝二儀陶化人倫肇興厥初冥昧不慮不營欲以物開患以事成犯機觸害智不求生宗長歸仁自然之情故君道自然必託賢明茫茫在昔罔或不寧赫胥既往紹以皇羲默靜無文太朴未虧萬物熙熙不天不

離爰及唐虞猶篤其緒體資易簡應天順矩絺褐其裳土
 木其宇物或失性懼若在予疇咨熙載終禪舜禹夫統之
 者勞仰之者逸至人重身棄而不恤故子州稱疾石戶乘
 桴許由鞠躬辭長九州先王仁愛愍世憂時哀萬物之將
 頽然後蒞之下逮德衰大道沉淪智慧日用漸私其親懼
 物乖離口口孽仁利巧愈競繁禮屢陳刑教爭施天性喪
 真季世陵遲繼體承資憑尊恃勢不友不師宰割天下以
 奉其私故君位益侈臣路生心竭智謀國不吝灰沉賞罰
 雖存莫勸莫禁若乃驕盈肆志阻兵擅權矜威縱虐禍蒙
 邱山刑本懲暴今以脅賢昔爲天下今爲一身下疾其上
 君猜其臣喪亂宏多國乃殞顛故殷辛不道首綴素旌周
 朝敗度玃人是謀楚靈極暴乾谿潰叛晉厲殘虐樂書作
 難主父棄禮殼胎不宰秦皇荼毒禍流四海是以亡國繼

踵今古相承醜彼摧滅而襲其亡徵初安若山後敗如崩
臨刃振鋒悔何所增故居帝王者無曰我尊慢爾德音無
曰我彊肆于驕淫棄彼佞倖納此選顏諛言順耳染德生
患悠悠庶類我控我告唯賢是授何必親戚順乃造好民
實胥效治亂之原豈無昌教穆穆天子思聞其僣虛心導
人允求謹言師臣司訓敢告在前

潘正叔乘輿箴

有序

彥和譏其義正詞繁信然然當晉武驕盈之時獨發謹
論故隨事指陳反復致意自序所謂意詭詞野亦其苦
心也 箴貴慤而輿于雲而外與此者希矣言之有物
者皆在所取

易稱有天地然後有人倫有父子然後有君臣傳曰大者
天地其次君臣然君臣父子之道天地人倫之本未有以

先之者也故天生蒸人而樹之君使司牧之將以導羣生之性而理萬物之情豈以寵一人之身極無量之欲如斯而已哉夫古之爲君者無欲而至公故有茅茨土階之儉而後之爲君有欲而自利故有瑤臺瓊室之侈無欲者天下共推之有欲者天下共爭之推之之極雖禪代猶脫屣爭之之極雖刼殺而不避故曰天下非一人之天下乃天下之天下安可求而得辭而已者乎夫脩諸已而化諸人出乎邇而見乎遠者言行之謂也故人主所患莫甚於不知其過而所美莫美於好聞其過若有君於此而曰予必無過唯其言而莫之違斯孔子所謂其庶幾乎一言而喪國者也蓋君子之過如日月之蝕過也人皆見之更也人皆仰之雖以堯舜湯武之盛必有誹謗之木敢諫之鼓盤朽之銘無諱之史所以閑其邪僻而納諸正道其自維持

如此之備故箴規之興將以補過教闕然猶依違諷喻使
言之者無罪聞之者足以自誠先儒既援古義舉內外之
殊而高祖亦序六官論成敗之要義正辭約又盡善矣自
虞人箴以至于百官非唯規其所司誠欲人主斟酌其得
失焉春秋傳曰命百官箴王闕則亦天子之事也尼以爲
王者膺受命之期當神器之運總萬機而撫四海簡羣才
而審所授孜孜於得人汲汲於聞過雖廷爭面折猶將祈
請而求焉至於箴規諫之順者曷爲獨闕之哉是以不量
其學陋思淺因負擔之餘嘗試撰而述之不敢斥至尊之
號故以乘輿日篇蓋帝王之事至大而古今之變至衆文
繁而義詭意局而辭野將欲希企前賢髣髴崇軌譬猶止
坻之望華岱恒星之繫日月也其不逮明矣頌曰
元元遂初芒芒太始清濁同流元黃錯峙上下弗形尊卑

靡紀赫胥悠哉大庭尙矣皇極啓建兩儀旣分彝倫永序
萬邦已紛國事明王家奉嚴君各有攸尊德用不勤羲農
已降暨于夏殷或禪或傳乃質乃文太上無名下知有之
仁義不存而人歸孝慈無爲無執何欲何思忠信之薄禮
刑實滋旣讐旣畏以侮以欺作誓作盟而人始叛疑煌煌
四海藹藹萬乘匪誓焉憑左輔右弼前疑後丞一日萬機
業業兢兢夫出其言善則千里是應而莫余違亦喪邦有
徵樞機之動式以廢興殷監不遠若之何勿懲且厚味腊
毒豐屋生災辛作璇室而夏興瑤臺糟工酒池象筋玉杯
厥肴伊何龍肝豹胎惟此哲婦職爲亂階殷用喪師夏亦
不恢是以帝堯在位茅茨不翦周文日昃昧旦丕顯夫德
輔如毛而或舉之者鮮故湯有慙德武未盡善下世道衰
未俗化淺耽樂逸遊荒淫沈湎不式古訓載在先典匪唯

陵夷厥世用殄故曰樹君如之何將人是司牧視之猶傷
而知其寒燠故能撫之斯柔而敦之斯睦無遠不懷靡思
不服夫豈厭縱一人而玩其耳目內迷聲色外荒馳逐不
脩政事而終於顛覆昔唐氏授舜舜亦命禹受終納祖丕
承天序放桀惟湯尅殷伊武故禪代非一姓社稷無常主
四嶽三塗九州之阻彭蠡洞庭殷商之旅虞夏之隆非由
尺土而紂之百尅卒於絕緒故王者無親唯在擇人傾蓋
惟舊白首乃新望由釣夫伊起有莘負鼎鼓刀而謀合聖
神夫豈借官左右而取介近臣蓋有家者莫云我聰
或此面從莫謂我智聽受未易甘言美疢不爲累由夷
逃寵遠於脫屣柰何人主位極則侈知人則哲惟帝所難
唐朝旣泰四族作奸周室旣隆而管蔡不虔匪我二聖孰
弭斯患若九德咸受儁又在官君非臣莫治臣非君莫安

故書美康哉而易貴金蘭有皇司國敢告納言

張茂先女史箴

惠帝時華權后族之盛作女史箴以諷

極醇實是宋人所宗

茫茫造化兩儀始分散氣流形既陶既甄在帝庖犧肇經
天人爰始夫婦以及君臣家道以正而王猷有倫婦德尙
柔含章貞吉婉婉淑慎正位居室樊姬感莊不食鮮禽衛
女矯桓耳忘和音志厲義高而二主易心元熊攀檻馮媛
趨進夫豈無畏知歿不恡班妾有辭割歡同輦夫豈不懷
防微慮遠道罔隆而不殺物無盛而不衰日中則昃月滿
則微崇猶塵積替若駭機人咸知飾其容而莫知飾其性
性之不飾或愆禮正斧之藻之克念作聖出其言善千里
應之苟違斯義同衾以疑出言如微而榮辱由茲勿謂幽
昧靈鑒無象勿謂元漠神聽無響無矜爾榮天道惡盈無

恃爾貴隆隆者墜鑿於小星戒彼攸遂比心螽斯則繁爾
類權不可以瀆寵不可以專專實生慢愛極則遷致盈必
損理有固然美者自美醜以取尤治容求好君子所仇結
恩而絕職此之由故曰翼翼矜矜福所以興靖恭自思榮
顯所期女史司箴敢告庶姬

摯仲洽尙書令箴

初學作張華今
從藝文作摯虞

明明先王開國承家作制垂憲仰觀列曜俯令百官政用
罔僭昔舜納大麓七政以齊內成外平而風雨不迷山甫
翼周靡剛靡柔補我袞闕闡我王猷王猷允塞而四海咸
休雖聖雖明必資良材無曰我智官不任能發言如絲其
出成綸千里之應樞機在身三季道缺天綱縱替旣無老
成改舊法制法制不循不長厥裔尙臣司臺敢告侍衛

張孟陽劔閣銘

雖曰銘其體實箴也亦是步趨子雲

巖巖梁山積石峩峩遠屬荆衡近綴岷嶓南通邛夔北達
襄斜狹過彭碣高踰嵩華惟蜀之門作固作鎮是曰劔閣
壁立千仞窮地之險極路之峻世濁則逆道清斯順閉由
往漢關自有晉秦得百二并吞諸侯齊得十二田生獻籌
矧茲狹隘土之外區一人荷戟萬夫趙趙形勝之地匪親
勿居昔在武侯中流而喜山河之固見屈吳起與實在德
險亦難恃洞庭孟門二國不祀自古迄今天命匪易憑阻
作昏鮮不敗績公孫旣滅劉氏銜璧覆車之軌無或重跡
勒銘山阿敢告梁益

王子淵皇太子箴

有序

臣聞教化爰始詠歌不足政俗旣移風雅斯變伏惟皇明
御宇功均造物改文爲質斲雕成素皇太子洊雷居震明

兩作離春夏干戈秋冬羽箭叔譽慙五稱之對師曠降四
馬之恩竊以太史官箴虞書所誠永樹芳烈丞相所以垂
文深覩安危太傅以之陳訓敢自斯義獻箴云爾
天生蒸民司牧斯樹咸熙庶績式昭王度惠民垂統元良
繼體麗正離暉惟機天啓令問令望聞詩聞禮從曰撫軍
守曰監國秋坊通夢春宮養德桓榮獻書荀攸觀則元子
爲士齒卿命秩朝服寢門迴車作室正陽君位喬枝父道
臣子所崇忠孝爲寶勿謂居尊禍福無門勿謂親賢王道
無偏無爲慮始無爲事先損之又損全之亦全無往不復
無平不陂美疢甘言鮮不爲累則哲惟難知人未易居室
爲善分陰無棄亡保其存危安其位神聽不惑天妖斯忌
文昌著于前星拒鬯由于守器庶僚司箴敢告闈寺

合	河
韻	天
詞	韻
韻	韻

駢體文鈔卷四

十邑國之是度還奉于此以處貧薄罷苑置縣築里作宅
以處貧窮哀此婆獨起常盈倉五十萬斛爲諸生儲以勸
好學志在黎元是勞是勤春巡瀟澹秋臻黃山夏撫鄴杜
冬郵涇樊大射饗飲飛羽之門綏宥耆幼不拘婦人刑女
歸家以育貞信元冥季冬搜狩上蘭賓賓出日東秩場谷
鳴鳩拂羽戴勝降桑蠶於蘭館躬筐執曲帥導羣妾咸循
蠶簇分蘭理絲女工是勅遐邇蒙祉中外禔福自京逮海
靡不仰德成類存生秉天地經無物不理無人不寧尊號
文母與新有成世奉長壽靡有墮傾著德太常注諸旒旌
嗚呼哀哉以昭鴻名享國六十殂落而崩四海傷懷擗踊
拊心若喪考妣過密八音嗚呼哀哉萬方不勝德被海表
彌流魏精去此昭昭就彼冥冥忽兮不見超兮西征旣作
下宮不復故庭爰緘伊銘嗚呼哀哉

曹子建文帝誄

文心雕龍云陳思叨名體實繁緩文皇誄末旨言自陳其乖甚矣予謂文之繁緩誠如所譏使彥和見江謝之篇更不知作何揮詆至其旨言自陳則思王以同氣之親積譏讒之憤述情切至溢于自然正可以副言哀之本致破庸冗之常態誄必四言羌無前典固不得援此爲例亦不宜遽目爲乖也

惟黃初七年五月七日大行皇帝崩嗚呼哀哉於時天震地駭崩山隕霜陽精薄景五緯錯行百姓吁嗟萬國悲傷若喪考妣思過慕唐擗踊郊墊仰想窮蒼僉曰何辜早世隕喪嗚呼哀哉悲夫大行忽焉光滅永棄萬民雲往雨絕承闕恍惚惛惛哽咽袖鋒袖刃欲自僵斃追慕三良甘心同穴感彼南風惟以鬱滯終於偕沒指景自誓考諸先紀

尋之哲言生若浮寄惟德可論朝聞夕逝孔志所存皇雖
殞歿天祿永延何以述德表之素旃何以詠功宣之管絃
乃作誄曰

皓皓太素兩儀始分中和產物肇有人倫爰暨三皇實秉
道真降逮五帝繼以懿純三代製作踵武立勳季嗣不維
網漏於秦崩樂滅學備坑禮焚二世而滅漢氏乃因弗求
古訓羸政是遵王綱帝典闕爾無聞末光幽昧道究運遷
乾坤回厯簡聖授賢乃眷大行屬以黎元龍飛啟祚合契
主元正行定紀改號革年明明赫赫受命於天風偃物化
德以禮宣祥惟聖質岐嶷幼齡研幾六典學不過庭潛心
無妄亢志清冥才秀藻朗如玉之瑩聽察無響瞻瞻未形
其剛如金其貞如瓊如冰之潔如砥之平爵功無重戮違
無輕心鏡萬機鑒照下情思良股肱嘉昔伊呂搜揚側陋

舉湯代禹拔才巖穴取士蓬戶唯德是縈弗拘禰祖宅土
之中道義是圖弗營厥險六合是虞齊契其檢導下以純
恢拓規矩克紹前人科條品制褒貶以因乘殷之輅行夏
之辰金根黃屋翠葆龍鱗紉冕崇麗衡統維新尊肅禮容
矚之若神方牧妙舉欽於恤民虎將荷節鎮彼四隣朱旗
所勦九壤被震疇克不若孰敢不臣縣旌海表萬里無塵
虜備凶徹烏殪江岷權若涸魚乾腊矯鱗肅慎納貢越裳
效珍條支絕域獻款內賓德儕先王功侔太古上靈降瑞
黃初倣祐河龍洛龜陵波遊下平均應繩神鸞翔舞數莢
階除系風扇暑皓獸素禽飛走郊野神鐘寶鼎形自舊土
雲英甘露澍塗被宇靈芝之膏沼朱華蔭渚回回凱風祁祁
甘雨稼穡豐登我稷我黍家佩惠君戶蒙慈父圖致太和
洽德全義將登泰山先皇作儷鐫石紀勲兼錄衆瑞方隆

封禪歸功天地賓禮百靈勲命視規望祭四嶽燎封奉柴
肅於南郊宗祀上帝三牲既供夏禘秋嘗元侯侑祭胤璧
奉璋鸞輿幽藹龍旂太常爰迄太廟鐘鼓鏗鏗頌德詠功
八佾鏘鏘皇祖既饗烈考來享神具醉止降茲福祥天地
震蕩大行康之三辰暗昧大行光之皇紘絕維大行綱之
神器莫統大行當之禮樂廢弛大行張之仁義陸沉大行
揚之潛龍隱鳳大行翔之疏狄遐康大行匡之在位七載
元功仍舉將永太和絕迹三五宜作物師長爲神主壽終
金石等算東父如何奄息摧身后土俾我嘒嘒靡瞻靡顧
嗟嗟皇穹胡寧忍務嗚呼哀哉明鑒吉凶體達存亡深垂
典制申之嗣皇聖上虔奉是順是將乃創元宇基於首陽
擬迹穀林追堯纂唐合山同陵不樹不疆塗車芻靈珠玉
靡藏百神警侍來賓幽堂耕禽田獸望魂之翔於是俟大

隨之致功兮練元辰之淑禎潛華體於梓宮兮馮正殿以
居靈顧皇嗣之號咷兮存臨者之悲聲悼晏駕之既往兮
感容車之速征浮飛魂於輕霄兮就黃墟以藏形背三光
之昭晰兮歸元宅之冥冥嗟一往之不返兮痛閔闔之長
扁咨遠臣之眇眇兮承凶諱以怛驚心孤絕而靡告兮紛
流涕而交頸思恩榮以橫奔兮闔闕塞之嶢嶢顧衰絰以
輕舉兮念關防之我嬰欲高飛而遙憇兮憚天綱之遠經
遙投骨於山足兮報恩養於下庭慨拊心而自悼兮懼施
重而命輕嗟微軀之是效兮甘九死而忘生幾司命之役
籍兮先黃髮而隕零天蓋高而察卑兮冀神明於我聽獨
鬱伊而莫告兮追顧景而憐形奏斯文以寫思兮結翰墨
以敷誠嗚呼哀哉

曹子建平陽懿公主誄

含意抑揚而授辭婉委此之謂不苟其模容寫貌則安
仁金鹿等篇所自出也

俯振地紀仰錯天文悲風激興霜焱雪雰凋蘭天蕙良幹
以汎於惟懿主瑛瑤其質協策應期含英秀出岐嶷之姿
實朗實極在生十旬察人識物儀同聖表聲協音律驥眉
識往俛曠知來求顏必笑和音則咳阿保接手侍御充傍
常在襁褓不停幃牀專愛一宮取玩聖皇何圖奄忽罹天
之殃魂神遷移精爽翱翔號之不應聽之不聆帝用吁嗟
嗚呼哀哉憐爾早沒不逮陰光改封大郡惟帝舊疆建土
開家邑移蕃王琨珮惟鮮朱紱斯煌國號旣崇哀爾孤獨
配爾君子華宗貴族爵以列侯銀艾優渥成禮於宮靈輻
交轂生雖異室歿同山嶽爰構元宮玉石交連朱房皓壁
皓曜電鮮飾終備衛法生象存長延繕修神闔掩扉二楹

並降雙魂孰依人誰不歿憐爾尚微阿保激摧上聖傷悲
城闕之詩以日踰歲况我愛子神光長滅局關一閉曷其
復晰

蘇孝山和帝誄

天王祖登率土奄傷如何昊穹奪我聖皇恩德累代乃作
銘章其辭曰

忝惟大行配天建德陶元二化風流萬國立我蒸民宜此
儀則厥初生民三五作綱載籍之盛著於虞唐恭惟大行
爰同其光自昔何爲欽明允塞恭惟大行天覆地載無爲
而治冠斯往代往代崎嶇諸夏擅命爰茲發號民樂其政
奄有萬國民臣咸秩大孝備矣闕宮有血由昔姜嫄祖妣
之室本枝百世神契惟一彌留不豫道揚末命勞謙有終
實惟其性衣不制新犀玉遠屏履和而行威稜上古洪澤

滂流茂化沾溥不憖少忍民斯何咎獻歎成雲涕泣成雨
昊天不弔喪我慈父

潘安仁世祖武皇帝誄

尙有疎通之美

粵若稽古誕受休命作我晉室赫赫文皇配天並日大行
龍飛創制改物沉恩汪濊流澤洋溢上齊七政下綏萬邦
四門穆穆五典克從惟清緝熙於變時雍愛盡事親教加
百姓于喪過哀在祭餘敬后蠶冕服躬籍粢盛六代畢奏
九功咸詠行敦醇樸思貫元妙蒞政端位臨朝光曜胄子
入學辟雍宗禮國老恂恂貴遊濟濟莫孝匪子莫悌匪弟
化自外明訓法以禮曠彼吳楚稱亂三代世厯五僞年幾
百載邊垂虔劉王化阻閔羽檄星馳鉦鼓日戒帝御羣帥
奉辭奮旅腹心庭爭爪牙疑沮天監獨照聖策乃舉朝服

濟江止戈曜武野無交兵役不淹月僭號歸命稽顙晉闕
 邪界蠻流傍納百越表閭旌善德音爰發虞人獻箴周書
 垂誥酒懼其彞獸戒其冒於我大行縱心所好動不踰矩
 性與道奧厭厭酣飲樂不辨顏桓桓振旅田無遊盤我德
 如風民應如蘭靡不夙夜無敢宴安務農望歲時或不稔
 小心翼翼恤民以甚御坐不怡撤膳賑廩西流垂精南金
 抑施永言孝思天經地義問誰贊事英彥髦士問誰翼侍
 博物君子潛明神鑒從衆屈已道濟羣生爲而不恃先天
 弗違後天降時萬物熙熙懷而慕思黜黜縉紳不謀同辭
 巖巖岱宗想望翠旃恭惟大行功成不居議寢封禪心棲
 沖虛策告不足大平有餘七十二君方之蔑如思樂天德
 等壽嵩華如何寢疾背世登遐遷幸梓宮孤我邦家龜筮
 既襲吉日爲良永指太極寧神峻陽羣后辨踴長訣輻輳

望靈斯顧豈伊不傷家無遠邇邦靡小大四海供職同軌
畢會茫茫原野亭亭素蓋縞輅解駕白虎弭旂龍輅卽定
元闈載扇如天斯崩如地斯傾哀哀庶寮絜絜自愍彼蒼
者天胡寧斯忍聖君不返我獨旋轉

潘安仁皇女誄

厥初在鞠玉質華繁元髮修曜蛾眉連娟清顙橫流明眸
朗鮮迎時夙智望歲能言亦旣免懷提攜紫庭聰惠機警
授色應聲疊疊其進好日之經辭令容止閑於幼齡猗猗
春蘭柔條含芳落英彫矣從風飄揚妙好弱媛窈窕淑良
孰是人斯而離斯殃靈殞旣祖次此暴廬披覽遺物徘徊
舊居手澤未改領臆如初孤鳧遐逝存亡永殊嗚呼哀哉
左九嬪萬年公主誄

昔蒲衣早智周晉夙成咸以岐嶷名存典經猗歟八主在

幼尅哲方德比齒有邈先烈何德之盛而年或闕何華之繁而實不結雨墜風逝形影長滅赫赫京室河洛所經陰精發曜降茲淑靈篤生公主誕膺休禎秀生紫微日暉月明紅顏鬢髮金質玉形二句據太平御覽既睇艷姿徽音孔昭盼倩其媚婉曼其嬌寵玩軒陛如瓊如瑤雖則弱齒雙德兼苞五福所集聞之先民積善鍾慶祐德輔仁宜終淑美光暉日新云何降戾景命不振睽睽榮曜英蕤始芳何辜于天猥遇降霜熒熒稚魂飄飄遐翔於戲何辜痛茲不福生而何晚歿而何速酷矣皇靈謬哉司祿嗚呼哀哉日月載馳白露凝結自王薨祖奄離時節吉凶乖邈存亡異制將遷幽都潛神永翳嗚呼公主魂豈是綏岌岌靈輻駿駟駢駟挽僮齊唱悲音激摧士女獻歘高風增哀一日不見採蕭作歌況我公主形滅體訛精靈遺逝幽此中阿

言思言念涕淚滂沱嗚呼哀哉

晉成帝哀策

宸極寥廓聖靈遐之哀備物之虛在痛永往之無期乃命史官述德寄辭其辭曰

五德代興素靈啓曜離光疊暉三辰重照明明我皇含貞挺妙元秀夙達履德罔違鳳棲遐邈神宇凝夷文明外潤仁簡內綏舉無遺中鑿無幽微韻隆汾陽道侔垂拱靜恭清穆冥功日用亶亶神軌同天攸縱爰有陽九紀綱中替姦豎肆逆牢羅失衛升降艱難協應神契靈祚旣保顯揚天命雰霧朝晞兩儀開鏡訓諮阿衡虛己絕正九功潛流七德將表方振宏羅稜威電掃芟蕩神衢一我王道昊天不弔降茲大悔天傾其儀地覆其載大業未究神爽遷背哀貫三靈痛流萬代爰初不豫大漸在躬啓手歸全神氣

夷沖凝哉達識體正履終袞龍既襲玉容斯幽登醪虛設
觴爵靡酬墳牘莫啓聖迹誰修冥冥我皇神焉何遊撫膺
還叫迸涕交流三策告期將歸陵墟陸殞羽翼庭納龍輿
玉輪動運錫鸞鳴衢旆旆徘徊六驥踟躕輕雲蔭舉流風
翼車哀哀同軌嗷嗷輓夫長號永慕泣涕漣洳大塊獨運
終歸其始我后永往寧神于祀悠悠上天熒熒惟已渺然
靡憑廓焉無恃目範令儀徽音在耳

王恂晉武帝哀策

同軌畢至百司胥亞法物夕陳輶輶夙駕親執饋奠長號
永夜懼鼓刻之邁盡哀良辰之莫借悲宮宇之寥廓痛聖
儀之幽化夫至德無名固理絕稱謂然祝史陳辭亦臣子
所貴寄窮情於翰墨庶遺塵之髣髴其辭曰

惟皇作極五德迭允康實復夏武亦隆晉豐豐大宗希夷

其韻鏡之者元撫之者順於穆皇考嗣徽絕軌前聖後哲
契合一揆心去其伐行遺其美廢華任誠捨荃存旨惟深
通志羣方咸秩惟幾成務能事斯畢未若我皇至則不疾
恢恢天網疏而莫失居有以虛宰多以少簡則可從靜則
不擾信及豚魚澤被億兆湛然司契坐一八表園陵旣衛
威靈赫赫子來旣措寢廟奕奕武日止戈戎不極役文教
聿修有恥且格迹有遠邇感無高深道之所被改邑革音
皓獸馴苑素羽棲林殊柯通理異蒂同根方融元液陶鑄
斯民雲韶候奏比屋思淳積祐莫應天罰奄臻太山頽構
洪瀆竭津何殃之甚何酷之殷自罹旻凶二氣代變霜繁
廣除風迴高殿帷幙空張肴俎虛薦極聽無聞詳視罔見
人神道殊吉凶有禮龜筮參謀埏隄告啓史臣考古警者
在陞攀援忪忪惟兄及弟龍輿肅以引邁前驥紛以抗旒

城闕儼以整列馳道亘以通修悲平昔之所幸豈斯路之
復由輓哀唱以翼衡駟悲鳴而顛軫違華宇之斯斯卽永
夜之悠悠奉靈輓而長訣緬終天而莫收訢穹蒼以叫踊
洞五內其若抽儻性命之可贖甘人百於山丘茫茫大運
靡始不終哲王遺世貴在道融昭哉我皇萬代流風良史
式述德音永隆

謝希逸宋孝武帝哀策文

應門洞望馳道南除叢塗已撤鬱圜將虛哀子嗣皇帝擗
標池絳周遑旌軫攀七緯之崩淪慟三靈之徂盡百神慕
而行雲沉萬國哀而素霜霽衣冠緬邈弓劍不追敢緝謳
頌髣髴希夷其辭曰

樞電皇根月瑤國緒肩裔丹陵蟬聯華渚二后在天大行
纂武克睿克聖重規襲矩昭昭金式明明玉溫望雲其遠

就日其尊雨零露湛冬暖春暄聲芳納麓道昭賓門上德
無稱至功不器悃悵四始優遊六位綴響蘭深緝言瓊秘
悠哉梁踐彤焉汾肆敬業開寓離經作翰鴻起荆河鸞遊
楚漢泗濱霑明江區承煥陝左清郊棠陰虛館地維不紐
乾綱弛機義庭薄蝕紫路流飛泣血派涖顧瞻川沂孝貫
樞極義震寰圉誓鉞皇郊詔師牧甸七景締華五雲卷煽
雪怨園邑掃恥瀛縣啓聖宸葢集寶龍見王室多故國步
方蹇淮濟裂冠江荆毀冕東楚亂常西華啓翼動算揮圖
爰截爰剪浹宙斯澄綿區咸鏡修風曉逸德星夕映溥露
飛甘舒雲結慶禎被動植信泊翔泳缺禮克宣墜章必構
方堂饗極圓流肆胄南聳郊宮北清靈圃瑤軒春藉翠華
冬狩經緯窮文克定盡武鄙上呈祥介上載佇在盈念沖
成功弗處榮鏡中世鳥奕前古睿業初遠鴻化方亭丹雲

承日素景勝星玉几去襲綴衣在庭辭重陽之昭昭降大
夜之冥冥氣質炎涼史詔龜筮文物空嚴鑿和虛衛動蜃
輅之透迤顧璧羽之容裔出國門而分天地向幽途而異
身世龍旌鬱而青槐遠驚葭亂而白楊翳觀初霜之變條
聽秋風之下帶橋山緇雲穀林鷹日輦道結寒松庭盡密
芝蓋迫軫上驥眷轡萬寓肅其北較靈阿聞其深隘南維
有時傾離光不常鏡騰英聲與茂實方流華於舞詠
謝希逸宋孝武宣貴妃誄

淒麗之文江鮑特絕施之典冊每覺輕儇其於妃姬尚
不嫌耳 此與文通齊武帝誄入後俱不作四言與哀
策之體相亂矣不當接陳思爲辭也

惟大明六年夏四月壬子宣貴妃薨律谷罷煖龍鄉輟曉
照車去魏聯城辭趙皇帝痛掖殿之旣聞悼泉途之已宮

巡步檐而臨蕙路集重陽而望椒風嗚呼哀哉天寵方隆
王姬下姻肅雍揆景陟祀爰臻國軫喪淑之傷家凝實庇
之怨敢撰德於旂旒庶圖芳於鐘萬其辭曰

元邱烟煴瑤臺降芬高唐淅雨巫山鬱雲誕發蘭儀光啟
玉度望月方娥瞻星比麥饒德素里棲景宸軒處麗締綌
出懋蘋繁修詩賁道稱圖照言翼訓如嵬贊軌堯門綢繆
史館容與經闈陳風緝藻臨象分微游藝殫數撫律窮機
躊躇冬愛怛悵秋暉展如之華實邗之媛敬勤顯陽肅恭
崇憲奉榮維約承慈以遜遠下延和臨朋違怨祚靈集祉
慶蒨迎祥皇允璿式帝女金相聯跼齊穎接萼均芳以著
以牧燭代輝梁視朔書氛觀臺告禋八頌局和六祈韜溲
衡總滅容翬翟毀祗掩綵瑤光收華紫禁嗚呼哀哉帷軒
夕改輶輅晨遷離宮天邃別殿雲懸靈衣虛龔組帳空烟

巾見餘軸匣有遺絃嗚呼哀哉移氣朔兮變羅紘白露凝
兮歲將闌庭樹驚兮中帷響金釘燮兮玉座寒純孝辨其
俱毀其氣摧其同樂仰昊天之莫報怨凱風之徒攀茫昧
與善寂寥餘慶喪過乎哀毀實滅性世覆沖華國虛淵令
嗚呼哀哉題湊旣肅龜筮旣辰階撤兩奠庭引雙楯維慕
維愛日子日身慟皇情於容物崩列辟於上旻崇徽章而
出寰旬照殊策而去城闕嗚呼哀哉經建春而右轉循閭
闔而逕度旌委鬱於飛飛龍委遲於步步鏘禁挽於槐風
喝邊簫於松霧涉姑繇而環迴望樂池而顧慕嗚呼哀哉
晨輶解鳳曉蓋俄金山庭寢日隧路抽陰重扇閔兮燈已
黯中泉寂兮此夜深銷神躬於壤末散靈魄於天濤響乘
氣兮蕭馭風德有遠兮聲無窮嗚呼哀哉
謝希逸皇太子妃哀策文

楹凝柱酒庭肅龍輻風吹國輅雲起郊門皇帝傷總經之
掩綵悼副禕之滅華行光旣宴長河又斜顧而言曰璇璠
有毀郁烈無湮翦素裁簡授之史臣其辭曰

霍岫虧天濤流凝漢祥發桐珪慶昭金筭毓景帝里飛芳
戚閉秘儀旄谷升音集灌月晷幾望娣袂維良釋悻春宮
承節少陽五葉衍藻四訓抽光葳蕤蕙振婉變瓊相清徽
就遠被洽方搏臨華罷翠當暉收蘭複殿生響長庶結寒
節移虛饋氣變容衣中庭草暖階上螢飛傷紫里第痛溢
朝闈霜侵燭昧風密帷淒驚葭夕轉龍驂夜嘶筵旣訣兮
奠旣徹背青闕兮去神闈旌掩鬱而還泛蓋透遲而顧低
素紉歛維華輶解馭山隧恒陰松阿不曙離天渥兮就鎖
沉委白日兮卽真暮菊有秀兮蘅有芬德方遠兮聲彌樹
顏延年宋文皇帝元皇后哀策文

惟元嘉十七年七月二十六日大行皇后崩于顯陽殿粵
九月二十六日將遷座於長寧陵禮也龍輅纏繞容翟結
駢皇塗照烈神路幽嚴皇帝親臨祖饋躬瞻宵載飾遺儀
於組旒淪徂音乎珩珮悲黼筵之移御痛翟綸之重晦降
輿客位撤奠殯階乃命史臣累德述懷其辭曰

倫昭儷升有物有憑圓精初燦方祇始凝昭哉世族祥發
慶膺祕儀景崑圖光玉繩昌暉在陰柔明將進率禮蹈和
稱詩納順爰自待年金聲夙振亦既有行素章增絢象服
是加言觀維則俾我王風始基嬪德惠問川流芳猷淵塞
方江泳漢動謠南國伊昔不造鴻化中微用集寶命仰陟
天機釋位公宮登曜紫闈欽若皇始允廸前徽孝達寧親
敬行宗祀進思才淑傍綜圖史發音在詠動容成紀壺政
穆宣房樂韶理坤則潤成星軒潤節德之所屆惟深必測

下節震騰上清朧側有來斯雍無思不極謂道輔仁司化
莫斯象物方臻祗禮告診太和旣融收華委世蘭殿長陰
椒塗弛衛嗚呼哀哉戒涼在肄抄秋卽岁霜夜流唱曉月
升魄八神警引五輅遷跡噉噉儲嗣哀哀列梓灑零玉墀
雨洞丹掖撫存悼亡感今懷昔嗚呼哀哉南背國門北首
山園僕人按節服馬顧園遙酸紫蓋眇泣素軒滅綵清都
夷體壽原邑野淪藹戎夏悲謹來芳可述往駕弗援嗚呼
哀哉

王仲寶高帝哀策文

降階執禮泣血纏心感容臺之罷御哀恭館之不臨仰神
儀而邈絕視區物而增陰俾茲良史敬修舊則敢圖鴻規
式揚至德其辭曰

靈源遙裔肇惟商邱聖功寧夏賢識歸周我皇踵武超冠

前猷美風允迪德音孔修月準敷仁日精表孝則地均和
體天合炤外宏三至內隆七教水祀將傾乾維晦象韋弁
長翼鼓磬屬響聲化已淪政刑遂往國圖靡緝民規載爽
康世以德撥亂資武威以雷霆潤以風雨六術允昭四義
克舉自東徂北遐方卽敘功被河濟化隆江漢帝謨仰式
王維佇幹改步藩屏來登翼贊綢繆總章因循陽館昔在
保衡君違斯政爰茲博陸亦鑒靈命效昏以忠登明資敬
義煥金石功昭舞詠蠢爾荆漢悖亂人經謀連樞禁兵接
神垌禦姦以惠禦宄以刑獻捷宗寢飲至王庭政教雲行
嶽猷天造山鑑紫璇苑茂朱草玉檢騰暉金繩薦寶天鏡
旣移地維旣肅遐邇壹體表裏禔福乃眷斯民昧旦杼軸
興文偃武績禹舊服所尚惟簡所寶惟賢居尊彌約無善
不延膠章載緝風軌克宣上洞清儀下達元泉聽覽閑日

應物餘景怡慮以文棲心以靜鴻章晨映徽言夕永迹庇
區服情深箕穎萬寓飡和百神受職梁甫欣儀雲亭望式
輔德伊何奄捐民極嵩岳長領宸暉斯旻機炤惟寂達鑒
靡傷慎終敬始知微知彰立言垂範玉潤金相瞻仰遺式
哀結流霜旋玉軼之繳鏡動雲旗之逶迤振哀笳于八極
響清蹕于咸池顧應掖而稍遠視機衡而長離風遲遲而
懷暮日替惜其若垂感衣冠于喬岳追弓劍之在斯悼丁
年之薄祐訴窮心于兩儀

江文通齊太祖誄

華綈已極而敘次嚴整唐人遞相投襲富或過之鮮彩
終不及也

日月鬱華風雲黯色傷動紫微悲匝璇極嗚呼哀哉粵夏
四月辛卯將遷座於泰安陵龍鑿旣整羽衛以陳深酸舊

物掩咽故臣嗣皇帝永訣丹掖叫號青墀攀神光之一絕
慟遠邇之何期弓劍有慕纂德寫辭僉曰若稽古聖璿圖
靈鏡星樞發祥電光啟命誕惟弱齡惠示聰情如金如璧
爰秀爰英於鑠冠歲騰華流藝允文允武克明克睿聿尚
登學嚴道尊師宣敷五禮優游六詩上疏舊滯旁鏡前疑
才藜豔采筆盡麗辭在友斯悌于親伊孝儉恭共色夷阻
一貌遊情黜矩縱心蹈教鄉術式慕州閭是效業優登仕
先哲攸懋矧乃寥廓淵規遠構官府天地舟輿宇宙龍靜
鳳戢斂奇揜秀昔在帝劉王室放命狡焉僞誕晦朔陵正
鋒車北軌燿火南盛太祖時乘爰茲發迹塞井滅勳夷竈
龕敵賞鏤王圖功蕤帝冊乃厲中葉天未斂難兵百袁曹
禍十楚漢吳地前崩越壤首亂街號燿盛火列金斷聚甲
如陵獻俘爲觀北楚倔強曾未屈膝雲屯被野魚麗亘日

廟勇旣消國圖方匱神冊天開雄畧世出凶劍鱗沉醜戈
羽逸隻騎不還騎輪無匹厥庸戾止離珮委他榮鬱闔闔
寵重山河皇藝有文朝采方藹頻煩金紐左右緹葢毗戎
肅禁參輦侍旆譽馥區中道蔓岷外河濟國險淮泗邦塵
要藩重設匪賢則親亦旣推輶擁土庇民聲稜絕俗威懾
殊鄰宋主陵遐紫殿遏密話言之詔詒在英粹寅亮大寶
敷綸妙秘世識機鑿物宗淵懿無負匪鍊靡奧不洎三階
旣馴五精惟至彭蠡九江地盡襟製亦有劉範衣纓是絕
躍馬山岫泛舟河澨編鎬星流紅旗電結鳩翼競扇豺牙
爭礪禍纏紫禁兵交丹衛瑤祀若旂金展如綴朝野頌儀
咸歸上德實賴至公寫家提國懷險實泰危亡必克機筮
朝旦功定曠黑妙物更配具章重則深居搗外遙棲縣默
高秩方臻元禮有序王曰念哉煇寵是與職褒宮閣任卷

文武飾華麗貂縈金纒組宏猷溢俗曾芬冠古憬彼朱方
亦惟宗秩陰圖食昴潛謀貫日征輪未誓偏旗銜律原燎
旣寂世囂伊謐爰崇爰貴以望以實雁縣告靜象郡無虞
杳鬱遠域清麗瓊都國墳岷負朝委事虛實翳哲相嶽曜
神居功美旣損道富去益再紐契訓重匡禹迹方同范張
濯情汾射散簪山郊解珮松石頽霞拂朝蒼煙惜夕韻屬
元經恩流金液靈厭霸德少帝告釁滅慈滅養抵仁抵信
枉獄炎鑪淫刑霜及剖忠翦義焚稚斲櫬慄慄萬氓曰怨
曰震妖蜺將崩災裂昊蒼况乃鼎國資滌資匡臨朝闕命
邊昏立綱事縣毗漢義締翼商旣綏地職亦懋天工權輿
典緯俾作司空黼黻瑀戈祐宇升庸徒賜先袞爰永濯沖
實曰驃騎卷迹辭功寰寓睦政畿甸綸風沈氏滔天悖逆
舊楚氣蹂黃池志櫟栢舉裂禮素度毀經棄序黑騎黔山

朱旗頽渚短兵相接長鎩爲羣顛如海岸矗似蒸雲合乃
霧激離則霰分荆國旣軌郢縣方焚袁劉二戾焱馳煒發
聯謀制外儲兵襲內釁激瓊殿勢崩金闕志乘元璽圖矯
秘鉞鴻妖逝星高稜乘月惟時諸侯上脫下競圖服消蕩
寶綴仁聖輝耀國靈導揚主命會規近晰深暮遠鏡左輪
朱楨表裏斯定七德節歌九功綽詠乃陟上鉉寵文方輝
誕錫有秩綵吹旌旗贊政瑤光翊教太微實曰太傅爰登
相國緝民以禮綜祇以德景福咸湊芳猷允塞羽泳式造
紘縣是則金湯無險軌書攸同迴迴寵迹窈窈睿功寶珪
黛壤俾王於東絢冊是敷懋物旣崇設業設簋丹懸碧鏞
於穆顯相黎元時邕冰州炎徼來獻其琛雁海龍關亦柔
好音梁龜棧鼉越險浮深遠戎皆覲上靈畢臨山吐石青
野降寶露瑞芝麗草珍柯爛樹人崩俗締元緯幽數瞻此

妙德跂我王度。筮滯炎旻。旣變至公。萎蕤媯華。文祖受終。
大宋有訓。高擣萬邦。容豫慶雲。遊行南風。正服寶位。圓光
玉繩。御繡懷古。負黼夙興。丘礙必靜。淵漪咸澄。勛展有作。
黔牖其義。矜卑廣慈。合賤兼愛。綬機剋賊。輕章削罰。迹去
繁。參情歸素。一軒靡龍。刻楹無丹。密越賤申。椒楚輟靈。橘
陵寢起。邑池藻誰。縣遙館罕。御離房空。薦惇教路。宮淹神
正。殿斟酌信義。左右律禮。瑩彼皇維。華茲國體。胄業旣樹。
璧流方啟。漢求金岫。吳實銅塹。寧若睿德。讓駟却劍。實才
爲貴。唯功是念。火職咸允。雲官亦熙。旣臯方益。匪稷伊夔。
無觖巡風。寧竣辯詩。玉燭調文。元英最節。乘山呈瑞。航海
歸闕。不曠景册。靡空歲月。受緯機衡。兼甄詩史。孫韓各辨。
莊墨異理。昭政往藹。洗鑠前軌。逍遙星斗。徙倚涼雲。春飈
方舞。秋鴻初分。式謠式詠。載績載文。邈哉我后。淪泳賢聖。

罄品作號盡物歸政蒼黎汰歡元靈刷慶永馘嘉祉方寅
景命締詳有文颺沛將掩理昧人設道懸世險夏略遺圖
忌華徇儉文闕陳几翌明告漸覘僑鬪食日月朏精矧在
乘輿宇折宙傾轂纏鸞掖悲越紫扇去璇臺之照襲珠殯
之冥嗚呼哀哉唯宮低景輦路熾光惻柏門之黯黯泣松
帳之茫茫上宮擗而詔御咽羣后慕而侍衛傷攢靈旣儼
遠日以筮鬱鬯旣奠龍酌方撤素月夜橫翠煙曉結擬虛
金而下歛吟空簫而增絕嗚呼哀哉於是颯天駕而從綺
輿澁神行而撫文輦傍建春而南蹕徑宜陽而東踐尙益
蓋而未散乍眇默而不轉睇千乘之共噉盼萬騎之相泣
悲魏后之戀譙惻漢主之懷沛辭金陵之萑莪降雲陽之
杏藹風竒響而駐軒煙異色而低茄怨街邑之綵駟弔原
野之縞蓋挽夫愴而征馬凝痛縈盈其如帶嗚呼哀哉復

林油雲重山減日御房清淒神路冥謚昭徒肅灤幽祗疎
踞攀光灑慟臨泉澍泗瓌座長巖雕宮未闕寂帳寂兮寂
已遠夜釭夜兮夜何遠嗚呼哀哉結語甚率而俗又不收
合作誄之意皆非體也
謝元暉齊敬皇后哀策文

惟永泰元年九月朔日敬皇后梓宮啓自先塋將耐於某
陵其日至尊親奉奠某皇帝乃使兼太尉某設祖于行宮
禮也翠帟舒阜元堂啓扉俎徹三獻筵卷六衣哀于嗣皇
帝懷蚤衛而延首想驚輅而撫心痛椒塗之先廓哀長信
之莫臨身隔兩赴時無二展旋詔左言光敷聖善其辭曰
帝唐遠胄御龍遙緒在秦作劉在漢開楚肇惟淑聖克柔
克令清漢表靈胷沙鷹慶爰定厥祥徽音允穆光華沼沚
榮耀中谷敬始絃絃教先種稔睿問川流神襟蘭郁先德
韜光君道方被于在求賢所謁無諛願史宏式陳詩展義

厚下日仁藏往伊智十亂斯俟四教罔忒思媚諸姑貽我
嬪則化自公宮遠被南國軒曜懷光素舒佇德閔予不祐
慈訓早違年方冲藐懷袖靡依家臻寶業身嗣昌暉壽宮
寂遠清廟虛歸嗚呼哀哉帝遷明命民神胥悅乾景外臨
陰儀內缺空悲故劍徒嗟金穴璋瓊奚獻禕綸罔設嗚呼
哀哉馮相告祲宸駕長往貽厥遠圖末命是獎懷豐沛之
綢繆兮背神京之宏敞陋蒼梧之不從兮遵鮒禹以同壤
嗚呼哀哉陳象設於園寢兮映輿鏡於松楸望承明而不
入兮度清洛而南遊繼池綽於通軌兮接龍帷於造舟迴
塘寂其已莫兮東川澹而不流嗚呼哀哉藉閔宮之遠烈
兮聞續女之遐慶始協德於蘋蘩兮終配祀而表命慕方
纒於賜衣兮哀日隆於撫鏡思寒泉之罔極兮託彤管於
遺詠嗚呼哀哉

馬五
王元禮昭明太子哀冊文

蜃輅俄軒龍驂跼步羽翾前驅雲旂北御皇帝哀繼明之
寢耀痛嗣德之殂芳御武帳而悽慟臨甲觀而增傷式稽
令典載揚鴻烈詔撰德于旌旒永傳徽于舞綴其辭曰
式載明兩寔惟少陽旣稱上嗣且曰元良儀天比峻儼景
騰光奉祀延福守器傳芳睿哲膺期且暮斯在外宏莊肅
內含和愷識洞機深量苞瀛海立德不器至功弗宰寬綽
居心溫恭成性循時孝友率由嚴敬咸有種德惠和齊聖
三善遞宣萬國同慶軒緯掩精陰義弛位纏哀在疚殷憂
銜恤孺泣無時蔬餼不溢禫遵踰月哀號未畢實惟監撫
亦嗣郊禋問安肅肅視饗恂恂金華玉璫元駟斑輪隆家
幹國主祭安民光奉成務萬機是理矜慎庶獄勤恤闕市
誠存隱惻容無愠喜殷勤博施綢繆恩紀爰初敬業離經

斷句莫爵崇師卑躬待傳寧資導習匪勞審論博學是可
時敏斯務辨究空微思探幾蹟馳神圖緯研精爰畫沉吟
典禮優游方冊饜飫膏腴含咀肴核括囊流略包舉藝文
邇該細素殫極邱墳騰帙充積儒墨區分瞻河闡訓望魯
揚芬吟詠性靈豈惟薄伎屬辭約婉緣情綺靡字無點竄
筆不停紙壯思泉流清章雲委總覽時才網羅英茂學窮
優洽辭歸繁富或擅談叢或稱文圃四友推德七子慙秀
望苑招賢華池愛客託乘同舟連輿接席搗文採藻飛觴
汎醪恩隆置醴賞逾賜璧微風遐被盛業日新仁器非重
德輜易遵澤流兆庶福降百神四方慕義天下歸仁雲物
告徵稜沴褻象星霾恒耀山頽朽壤霽儀上賓德音長往
具僚無蔭諮承安仰嗚呼哀哉皇情悼愍切心纏痛允嗣
長號附萼增慟慕結親游悲動氓衆憂若殄邦思同折棟

嗚呼哀哉首夏司開麥秋紀節容衛徒警菁華萎絕書幌
空張談筵罷設虛饋餘餼孤燈翳翳嗚呼哀哉簡辰請日
筮合龜貞幽挺鳳啓元宮獻成武校齊列文物增明昔游
漳滏賓從無聲今歸郊郭徒御相驚嗚呼哀哉背絳闕以
遠徂鞫青門而徐轉指馳道而詎前望國都而不踐陵修
坂之威夷邇原平之悠緬蹶蹶足以酸嘶挽悽鏘而流泣
嗚呼哀哉混哀音于簫籟變愁容于天日雖夏木之森陰
返寒林之蕭瑟旣將反而復疑如有求而遂失謂天地其
無心遽永潛於容質嗚呼哀哉卽元宮之冥漠安神寢之
清閔傳聲華于懋典觀德業于徽諡懸忠貞于日月播鴻
名于天地惟小臣之紀言寔含毫而無媿嗚呼哀哉

沈初明陳武帝哀策文

莖三靈而標目躋九地而崩心哭仍几之將撤慟祖鬯之

虛掛黃屋袂而白日掩紫極涵而浮雲陰其辭曰

悠悠媯水鬱鬱姚墟惟帝之系在唐作虞正卿之後握此
靈符彤雲布族祥星結樞負茲大鏡未拾遺珠爰初發跡
斬鼉鞠旅大定番禺載戡海渚永繫而運席卷中流王室
如燬乃合諸侯負鐵誓衆釋位同謀俱登涿鹿實斷蚩尤
道濟一匡功歸四履爰總百官訓於天子儻來有運事非
獲已翠龜負字赤雀銜書謳歌適夏禮樂遷虞負辰正位
升壇受圖二儀協序五緯同符門歌麟趾室詠騶虞奉常
定日太卜蠲時升中備物方告雍熙天甘玉露地秀金芝
休禎未答靈貺徒欺吏求穆卜詔絕良豎義躓失御天街
褫蹕夏采升榮宮車晏出洞閨移凶充庭罷吉閉窅窅之
窮燈去昭昭之遊日歸大暮之不暘降幽宮而長畢巫咸
筮告容成戒期文衛如在葆鐸相悲去畢陌而東顧望橋

山而路遲臣攀龍而尙在魂過沛而何之侍低昂之靈壽鼎
 奉寂寂之空帷銅雀沒於修松平陵隱於深柏節鼓鼓之
 哀音燎燿火於通夕薤露落而暮日寒元霜凝而壟草白
 銘功德於旂常被徽音於鐘石迴天儀於清廟附祖考而
 來格播茂實與英聲鬱氛氲於宗祏

合河肅氏
 尉粹家謂

駢體文鈔卷六

詔書類

漢景帝後六年令二千石修職詔

雕文刻鏤傷農事者也錦繡纂組害女紅者也農事傷則
饑之本也女紅害則寒之原也夫饑寒並至而能亡爲非
者寡矣朕親耕后親桑以奉宗廟粢盛祭服爲天下先不
受獻減太官省徭賦欲天下務農蠶素有蓄積以備災害
彊毋攘弱衆毋暴寡老者以壽終幼孤得遂長今歲或不
登民食頗寡其咎安在或詐僞爲吏吏以貨賂爲市漁奪
百姓侵牟萬民縣丞長吏也好法與盜盜甚無謂也其令
二千石各修其職不事官職耗亂者丞相以聞請其罪布
告天下使明知朕意

漢武帝元朔元年議不舉孝廉者罪詔

公卿大夫所使總方畧壹統類廣教化美風俗也夫本仁

祖義褒德錄賢勸善刑暴五帝三王所繇昌也朕夙興夜寐嘉與宇內之士臻于斯路故旅耆老復孝敬選豪俊講文學稽參政事祈進民心深詔執事興廉舉孝庶幾成風紹休聖緒夫十室之邑必有忠信三人並行厥有我師今或至闔郡而不薦一人是化不下究而積行之君子壅於上聞也二千石官長紀綱人倫將何以佐朕燭幽隱勸元元勵蒸庶崇鄉黨之訓哉且進賢受上賞蔽賢蒙顯戮古之道也其與中二千石禮官博士議不舉孝廉者罪

漢武帝元狩二年報李廣詔

將軍者國之爪牙也司馬法曰登車不式遭喪不服振旅撫師以征不服率三軍之心同戰士之力故怒形則千里鍊威振則萬物伏是以名聲暴於夷貉威稜愴乎鄰國夫報忿除害捐殘去殺朕之所圖於將軍也若廼免冠徒跣

稽顙請罪豈朕之指哉將軍其帥師東轅彌節白檀以臨
右北平盛秋

後漢光武帝報臧宮馬武詔

黃石公記曰柔能制剛弱能制彊柔者德也剛者賊也弱
者仁之助也彊者怨之歸也故曰有德之君以所樂樂人
無德之君以所樂樂身樂人者其樂長樂身者不久而亡
舍近謀遠者勞而無功舍遠謀近者逸而有終逸政多忠
臣勞政多亂人故曰務廣地者荒務廣德者彊有其有者
安貪人有者殘殘滅之政雖成必敗今國無善政災變不
息百姓驚惶人不自保而復欲遠事邊外乎孔子曰吾恐
季孫之憂不在顓臾且北狄尙彊而屯田警備傳聞之事
恒多失實誠能舉天下之半以滅大寇豈非至願苟非其
時不如息人

明帝申明科禁詔

昔曾閔奉親竭歡致養仲尼葬子有棺無槨喪貴致哀禮存寧儉今百姓送終之制競爲奢靡生者無擔石之儲而財力盡於墳土伏臘無糟糠而牲牢兼於一奠糜破積世之業以供終朝之費子孫饑寒絕命於此豈祖考之意哉又車服制度恣極耳目田荒不耕游食者衆有司其申明科禁宜於今者宣下郡國

章帝建初七年禘祭詔

祖考來格明哲之祀予末小子質又菲薄仰惟先帝烝烝之情前修禘祭以盡孝敬朕得識昭穆之序寄遠祖之思今年大禮復舉加以先帝之坐悲傷感懷樂以迎來哀以送往雖祭亡如在而空虛不知所裁庶或饗之豈亡克慎肅雍之臣辟公之相皆助朕之依依今賜公錢四十萬卿

半之百官執事各有差

章帝元和二年詔三公

方春生養萬物孳甲宜助萌陽以育時物其令有司罪非
殊死且勿案驗及吏人條書相告不得聽受冀息事寧人
敬奉天氣立秋如故夫俗吏矯飾外貌似是而非揆之人
事則悅耳論之陰陽則傷化朕甚厭之甚苦之安靜之吏
悃悃無華日計不足月計有餘如襄城令劉方吏人同聲
謂之不煩雖未有他異斯亦殆近之矣間勅二千石各尚
寬平而今富姦行賂於下貪吏枉法於上使有罪不論而
無過被刑甚大逆也夫以苛爲察以刻爲明以輕爲德以
重爲威四者或興則下有怨心在吾詔書數下冠蓋接道而
吏不加理人或失職其咎安勉思舊令稱朕意焉

章帝元和二年祠明堂詔

朕巡狩岱宗崇望山川告祠明堂以章先勲其二王之後
先聖之亂東后蕃衛伯父伯兄仲叔季弟幼子童孫百僚
從臣宗室衆子要荒四裔沙漠之北葱嶺之西冒彫之類
跋涉懸度陵踐阻絕駿奔郊時咸來助祭祖宗功德延及
朕躬予一人空虛多疚纂承尊明盥洗享薦慙愧祇慄詩
不云乎君子如祉亂庶遄已歷數旣從靈燿著明亦欲與
士大夫同心自新其大救天下

和帝永元十二年恤民詔

比年不登百姓虛匱京師去冬無宿雪今春無澍雨黎民
流離困於道路朕痛心疾首靡知所濟瞻仰昊天何辜今
人三公朕之腹心而未獲承天安民之策數詔有司務擇
良吏今猶不改競爲苛暴侵愁小民以求虛名委任下吏
假執行邪是以令下而姦生禁至而詐起巧法析律飾文

增辭貨行於言罪成乎手朕甚病焉公卿不思助明好惡將何以救其咎罰咎罰既至復令災及小民若上下同心庶或有瘳

鄧太后延平元年察吏勅

天降災異應政而至聞者郡國或有水災妨害秋稼朝廷惟咎憂惶悼懼而郡國欲獲豐穰虛飾之譽遂覆蔽災害多張墾田不揣流亡競增戶口掩匿盜賊令姦惡無懲署用非次選舉乖宜貪苛慘毒延及平民刺史垂頭塞耳阿私下比不畏於天不愧於人假貸之恩不可數恃自今以後將糾其罰二千石長吏其各實覈所傷害爲除田租芻藁

後至策丞相諸葛亮詔

此以詔爲檄辭嚴義正誓言詔遺風

朕聞天地之道福仁而禍淫善積者昌惡積者喪古今常數也是以湯武修德而王桀紂極暴而亡曩者漢祚中微網漏凶慝董卓造難震蕩京畿曹操階禍竊執天衡殘剝海內懷無君之心子丕孤豎敢尋亂階盜據神器更姓改物世濟其凶當此之時皇極幽昧天下無主則我帝命隕越於下昭烈皇帝體明徽之德光演文武應乾坤之運出身平難經營四方人鬼同謀百姓與能兆民欣戴奉順符識建位易號丕承天緒補弊興衰存復祖業膺誕皇綱不墜於地萬國未靜早世遐殂朕以幼冲繼統鴻基未習保傳之訓而嬰祖宗之重六合壅否社稷不建永惟所以念在匡救光載前緒未有攸濟朕甚懼焉是以夙興夜寐不敢自逸每從菲薄以益國用勸分務穡以阜民財授方任能以參其聽斷私降意以養將士欲奮劍長驅指討凶逆

朱旗未舉而不復隕喪斯所謂不然我薪而自焚也殘類
餘醜又支天禍恣睢河洛阻兵未弭諸葛丞相宏毅忠壯
忘身憂國先帝託以天下以勗朕躬今授之以旄鉞之重
付之以專命之權統領步騎二十萬衆董督元戎龔行天
伐除患寧亂克復舊都在此行也昔項籍總一彊衆跨州
兼土所務者大然卒敗垓下死於東城宗族如焚爲笑千
載皆不以義陵上虐下故也今賊效尤天人所怨奉時宜
速庶憑爰精祖宗威靈相助之福所向必克吳王孫權同
恤災患潛軍合謀掎角其後涼州諸國王各遣月支康居
胡侯支富康植等二十餘人詣受節度大軍北出便欲率
將兵馬奮戈先驅天命旣集人事又至師貞勢并必無敵
矣夫王者之兵有征無戰尊而且義莫敢抗也故鳴條之
役軍不血刃牧野之師商人倒戈今旂麾首路其所經至

亦不欲窮兵極武有能棄邪從正簞食壺漿以迎王師者
國有常典封寵大小各有品限及魏之宗族支葉中外有
能規利害審逆順之數來詣降者皆原除之昔輔果絕親
於智氏而蒙全宗之福微子去殷項伯歸漢皆受茅土之
慶此前世之明驗也若其沉迷不反獎助亂人不式王命
戮及妻孥罔有攸救廣宣恩威貸其元帥弔其殘民他如
詔書律令丞相其露布天下使稱朕意焉

魏明帝賜彭城王據璽書

制詔彭城王有司奏王遣司馬董和齋珠玉來到京師中
尚方多作禁物交通工官出入近署踰侈非度慢令違制
繩王以法朕用憮然不寧於心王以懿親之重處藩輔之
位典籍日陳於前勤誦不輟於側加雅素奉修恭肅敬慎
務在蹈道孜孜不衰豈忘率意正身考終厥行哉若然小

疵或謬於細人忽不覺悟以斯爲失耳書云惟聖罔念作狂惟狂克念作聖古人垂誥乃至於此故君子思心無斯須遠道焉嘗慮所以累德者而去之則德明矣開心所以爲塞者而通之則心夷矣慎行所以爲尤者而修之則行全矣三者王之所能備也今詔有司宥王削縣二千戶以彰八柄與奪之法昔羲文作易著休復之語仲尼論行旣過能改王其改行茂昭斯義率意無怠

宋文帝元嘉二十六年駕幸丹徒詔

朕違北京二十餘載雖云密邇瞻途莫從今因四表無塵時和歲稔復獲拜奉舊塋展罔極之思饗讌故老申追遠之懷固以義兼於桑梓情加於過沛永言慷慨感慰實深宜聿宣仁惠覃被率土其大赦天下復丹徒縣僑舊今歲租布之半行所經縣蠲田租之半二千石官長並勤勞王

馬一
務宜有酒錫登城三戰及大將戰亡墜沒之家老病單弱者普加贍卹遣使巡行百姓問所疾苦孤老鰥寡六疾不能自存者人賜穀五斛

宋孝武帝孝建元年詔

首食尙農經邦本務貢士察行寧朝常道內難甫康政訓未洽衣食有仍耗之弊選造無觀國之美昔衛文勤民高宗恭默卒能收賢巖穴大殷季年朕每側席疚懷無忘鑒寐凡諸守蒞親民之官可詳申舊條勸盡地利力田善蓄者在所具以名聞褒甄之科精爲其格四方秀孝非才勿舉獻答允值卽就銓擢若止無可採猶賜除署若有不堪酬奉虛竊榮薦遣還出里加以禁錮尙書百官之元本庶績之樞機丞郎列曹局司有在而頃事無巨細悉歸令僕非所以衆材成構羣能濟業者也可更明體制咸責厥成

糾覈勤惰嚴施賞罰

宋孝武帝大明七年告岳詔

江漢楚望咸秩周禮禮九疑於盛唐祀蓬萊於渤海皆前
載流訓列聖遺式霍山是曰南嶽寶維國鎮韞靈呈瑞肇
光宋道朕駢躡於野有事岐陽瞻睇風雲徘徊以想可遣
使奠祭

宋孝武帝大明七年校獵歷陽詔

朕受天慶命十一年於茲矣憑七廟之靈獲上帝之力禮
橫四海威震八荒方巡三湘而奠衡嶽次九河而檢云岱
今恢覽功成省風畿表觀民六合蒐校長洲騰沙飛磔平
嶽盪海鼓晉合序鏡鉦協節獻鬯如禮饁獸傾郊敬舉王
公之觴廣納士民之壽八風循通卿雲叢聚盡天罄瑞率
宇竭歡思散太極之泉以福無方之外可大赦天下行幸

所無出今歲租布其逋租餘債勿復收賜民爵一級女子百戶牛酒刺守邑宰及民夫從蒐者普加洽賚

宋明帝泰始三年禁采供不時詔

古者衡虞置制蠶紙不收川澤產育登器進御所以繁阜民財養遂生德頃商販逐末競早爭新折未實之果收豪家之利籠非膳之翼爲童戲之資豈所以還風尙本捐華務實宜修道布仁以革斯蠹自今鱗介羽毛肴核衆品非時月可採器味所須可一皆禁斷嚴爲科制

梁武帝設謗木肺石二函詔

商俗甫移遺風尙熾下不上達由來遠矣升中馭索增其慄然可於公車府謗木肺石傍各置一函若肉食莫言山阿欲有橫議投謗木函若從我江漢功在可策犀兕徒弊龍虵方縣次身才高妙擯壓莫通懷傅呂之術抱屈賈之

歎其理有皦然受困包圍或大政侵小豪門陵賤四民已窮九重莫達若欲自由申並可投肺石函

梁武帝罷鳳凰啣書詔

朕君臨南面道風蓋闕嘉祥時至爲媿已多假令巢伴軒閣集同昌戶猶當顧循寡德推而不居况於名實頓爽自欺耳日一日元會太樂奏鳳凰啣書伎至乃舍人受書升殿跪奏誠復興乎前代率由自遠內省懷慙彌與事篤可罷之

梁元帝次建業詔

夫爰始居毫不廢先王之都受命于周無改舊邦之頌項戎旃旣息關柝無警去魯興嘆有感宵分過沛殞涕實勞夕寐仍以瀟湘作亂庸蜀阻兵命將授律指期克定今八表又清四郊無壘宜從青蓋之典言歸白水之鄉江湘委

輸方船連舳巴峽舟艦精甲百萬先次建業行實京師然後六軍邁征九旂揚旆拜謁瑩陵修復宗社王者詳依舊典以時宣力

陳後主勸農詔

躬推爲勸義顯前經力農見賞事昭往誥斯乃國儲是資民命攸屬豐儉隆替靡不由之夫入賦自古輸彙惟舊沃饒貴於千金礎礪至於三易腴墾旣異盈縮不同詐僞日興簿書歲改稻田使者著自西京不實峻刑聞諸東漢老農懼於祇應俗吏因而侮文輟耒成羣游手爲伍永言妨蠹良可太息今陽和在節膏澤潤下宜展春耨以望秋坻其有新闢塍畎進墾蒿萊廣袤勿得度量征租悉皆停免私業久廢咸許占作公田荒縱亦隨肆勤儻良守教耕淳民載酒有茲督課議以賞擢外可爲格班下使明稱朕意

焉

陳後主太建十四年詔

昔睿后率民哲王御寓惟德稱汪濊明能普燭猶復紆已
乞言降情訪道高咨岳牧下聽輿臺故能政若神明事無
悔吝朕纂承丕緒思隆大業常懼九重已遠四聰未廣欲
聽昌言不疲痺足若逢廷折無憚批鱗而口柔之辭儻聞
於在位腹誹之意或隱於具僚非所以宏理至公緝熙帝
載者也內外卿士文武衆司若有智周政術心練治體救
民俗之疾苦辯禁網之疎密者各進忠讜無所隱諱朕將
虛已聽受擇善而行庶深鑒物情匡我王度

陳後主追封吳明徹詔

李陵矢竭不免請降于禁水漲猶且生獲固知用兵上術
世罕其人故侍中司空南平郡公明徹爰初躡足迄屆元

戎百戰百勝之奇決機決死之勇斯亦倖於古焉及拓定
淮淝長驅彭汴覆勅寇如舉毛掃銳師同沃雪風威懼於
異族功效著於同文方欲息駕陰山解鞍瀚海旣而師出
已老數亦終奇不就結纓之功無辭入褚之屈望封嶠之
爲易冀平翟之非難雖志在屈伸而奄中霜露埋恨絕域
甚可嗟傷斯事已往累逢肆赦凡厥罪戾皆蒙洒濯獨此
孤魂未霑寬惠遂使爵土湮沒饗醑無至棄瑕錄用宜在
茲辰可追封邵陵縣開國侯食邑一千戶以其息惠覺爲

嗣

隋高祖報李穆詔

朕初臨寓內方藉嘉猷養老乞言實懷虛想七十致仕本
爲常人至若呂尙以期頤佐周張蒼以華皓相漢高才命
世不拘恒禮遲得此心留情規訓公年旣耆舊筋力難煩

今勒所司敬蠲朝集如有大事須其謀謨別遣侍臣就第
詢訪

隋高祖賜高麗王湯璽書

朕受天命愛育率土委王海隅宣揚朝化欲使圓首方足
各遂其心王每遣使人歲常朝貢雖稱藩附誠節未盡王
既人臣須同朕德而乃驅逼鞅鞅固禁契丹諸藩頓顙爲
我臣妾忿善人之慕義何毒害之情深乎太府工人其數
不少王必須之自可聞奏昔年潛行財貨利動小人私將
弩手逃竄下國豈非修其意欲不臧恐有外聞故爲
盜竊時命使者撫慰王藩本欲問彼人情教彼政術王乃
坐之空館嚴加防守使其閉目塞耳永無聞見有何陰惡
弗欲人知禁制官司畏其訪察又數遣馬騎殺害邊人屢
騁姦謀動作邪說心在不賓朕於蒼生悉如赤子賜土土

宇授王官爵深恩殊澤彰著遐邇王專懷不信恒自猜疑常遣使人密覘消息純臣之義豈若是也蓋當由朕訓導不明王之愆違一已寬恕今日已後必須改革守藩臣之節奉朝正之典自化爾藩勿忤他國則長享福貴實稱朕心彼之一方雖地狹人少然普天之下皆爲朕臣今若黜王不可虛置終須更選官屬就彼安撫王若酒心易行率由憲章卽是朕之良臣何勞別遣才彥也昔帝王作法仁信爲先有善必賞有惡必罰四海之內具聞朕旨王若無罪朕忽加兵自餘藩國謂朕何也王必虛心納朕此意慎勿疑惑更懷異圖往者陳叔寶代在江陰殘害人庶驚動我烽候抄掠我邊境朕前後誠勅經歷十年彼則恃長江之險聚一隅之衆悖狂驕傲不從朕言故命將出師除彼凶逆來往不盈旬月兵騎不過數千厯代逋寇一朝清蕩

遐邇又安人神胥悅聞王歎恨獨致悲傷黜陟幽明有司
是職罪王不爲陳滅賞王不爲陳存樂禍好亂何爲爾也
王謂遼水之廣何如長江高麗之人多少陳國朕若不存
含育責王前愆命一將軍何待多力慇懃曉示許王自新
耳宜得朕懷自求多福

合河兼氏
刻輝家譜

駢體文鈔卷六